


22322

中華民國三年春重訂

磨庫銀士表

臨演李心曾題



法庫縣鄉土志序

里書邑乘不過方言土語耳然雖不足馳域外之大而食貨志之
史之雖形何也蓋縣志之例目無異於書史之例日本紀准陰列
列東西一天文志之定躔度指分野也疆界既分區域亦劃一郡國
志之畫井野錯犬牙也繪山測水計里授程一地理志之推表山川
束形壤制也戶分甲乙丁口無差一食貨志之冊編匯戶圖獻魚鱗
也兵事必書是於史記之有項羽本紀准陰列傳及匈奴西域各傳
也政績必書是猶史記之有循吏傳酷吏傳及其他各列傳也別
土宜而標物產是猶食貨志之分種辨物也工製造而商轉運是猶
貨殖傳之居寄操贏也十室之邑不廢兵農三里之城豈無禮樂古
人謂作史須有史才非才學識三者相兼不能修史余謂縣志亦

然志者所以記載故實而供行政上之資料者也其體始於禹貢故
左傳載周志軍志當時宋鄭之史亦皆謂之志其後遷史因之
以作八書漢書因之以為十志由是後世之邑書里乘群相因而
名曰志省有通志府有府志縣有縣志雖繁簡不同而要離
乎紀載事實供獻當時者近是法庫設治未久向無志書前清光
緒三十三年編書局成立部頒鄉土志例目促令編纂呈送以備
該局採擇時時南劉公鳴復撫茲土奉文後督同本地士紳詳細
調查逐條纂輯閱兩月書成當以時局不定未即鈐板越五年
余受命署斯土下車後徵求文獻得窺是書捧讀一周深喜其
體例謹嚴筆墨簡當而於該境之山川道路風土人情以及古
今事實無不瞭如指掌余閱各屬志書亦多矣筆墨固以猶足

惟其對於山川之阨塞工商之實業往往多不措意而惟於園亭之名勝祠宇之觀瞻道之不厭其詳是不過以志書為傳奇等志書於說部將以此為遣懷引睡之具耳又烏足以云誌哉茲是書之作調查確切選擇精詳例有專條民生實業之餘無冗語事皆實錄表微闡幽而外無溢詞行政者果能座置一編固可恃以總方畧致富強廣教化美風俗也若徒以拾遺誌怪諸書目之則失之遠矣因將編中體例與現在國體不合之處另為更正將近年事實聊為增益併附以最近調查表數種是書益覺完備該縣士紳意欲付之刷印以垂永久亟請於余並請為序方今民國成立百度維新端賴有地方詳細調查之書始足為行政上改革之根據是書地方事蹟記載甚詳吾知世之大政治家大實業家大教育家必將於是書取材焉故極端贊

成以為之序

中華民國三年一月九日留東高等警務師範理科畢業三等嘉祥褒章署法庫縣知事李心治日
謹序

法庫鄉土志原序

清之光緒三十二年秋七月 軍督趙公奏請在法庫邊門
設廳治劃開原及新民康平鐵嶺各郡邑附近之地以歸之檄
委 劉欽晃比部蒞廳視事明年夏四月奏定該廳為衝繁難
要缺兼理事銜即以 比部請補初 比部之至法庫也披荊莽審
疆界稽戶籍定租賦設警兵以弭盜興學校以育才以及務村訓農通
商惠工凡所設施次第就理不逾年而政通民和屹然為邊陲雄鎮焉
嗣奉部頒鄉土志例目令將地方沿革山川形勢人丁戶口宗教習
俗物產商物之類一一採錄成書以備編書局參考之用法庫僻
處一隅界連蒙部風尚樸陋文獻無徵將欲窮源溯流繁稱而博
引之較之內地聲明文物之邦有志乘可稽者舊可訪者其難

易奚童信從片比部以閩達之才膺編輯之任正東而外雜取開
原鐵嶺縣志與地叢鈔一統志滿洲地志東華錄等書參以故老
之傳聞驗諸現存之遺蹟與夫近時民間習慣新政施行亦皆據
事直書以成信史於戲如比部者於地方之情勢靡不周知洵能
握圖治之本原矣書成眎余余與比部同里閑交頗深其治法
庫也耳其循聲又甚悉因樂書數言於簡端

光緒三十四年孟春月

賜進士出身前翰林院庶吉士 國史館協修花翎道員用安徽
候補知府年愚弟黃家傑拜手謹序

法庫縣鄉土志

例言

一是書前因奉

提學使憲札飭遵照

部頒鄉土志例

目採錄成書以備

編書局參考之用茲特謹遵例目詳

加考證據實編輯以副講求實學之意

一法庫為各府縣甌脫之地舊隸開原考其歷史必以原管地

方為斷故纂輯多本開原縣志鐵嶺縣志他如廿四史輿地

叢鈔一統志滿洲地志東華錄諸書亦多採擇餘則就現

時所定及諮詢所得者據實書之疑則缺之不敢臆斷以

存信史

一例目之下做志乘之例繫以小引低二格書之所以別於正

文也

一條列各節皆低一格遇有應抬二格三格字樣皆頂格書之以示區別

一法庫以綿蕞之區文獻無徵博採周諮猶多失實遺珠之憾在所有之若日後纂修志乘精益求精擴而充之以俟後賢

一是書石印發給紙印小學以為研究之一助或有所見聞據實增入以匡不逮而成善本其所厚望

法庫縣鄉土志

目錄

歷史

政績錄

兵事錄

耆舊錄
節烈附

人類

戶口

氏族

宗教

實業

地理
古跡
祠廟
坊表
橋梁
山水
官廨
學校
商場
附
道路
物產
商務

法庫縣鄉土志

欽加四品銜

奏調前刑部主事

題補法庫廳同知直隸州知州

劉鳴復原輯

署理法庫縣

知事

李

心

曾

續

輯

歷史

天心視人事為變草地軸符世運而轉移伊古以來山河
遞易制度亦因之而然也法庫確據邊陲為東三省之
巨鎮歷代以來或國或衛名稱各殊前清初因地勢險
隘置為邊門乃西十二邊門之一定鼎後設開原縣以其
地屬焉光緒丙午 前將軍趙軫念久經兵燹地廣人稀
外人約開商埠道值要衝因劃各府縣地設為撫民廳治
意良美矣今改稱法庫縣欲溯其源流考其成憲據開原

志而損益之並徵諸耆舊採之歌謠而詳錄之聊以為稽古之一助

法庫縣係於前清光緒三十二年七月經盛京將軍趙奏請於法庫邊門添設撫民同知一員隸奉^天驛巡道管轄三十三年四月奏定為衝繁難題要缺並兼理事銜民國二年二月奉令改名法庫縣未置縣治以前

唐青州之域

虞舜分青東北為營州

商屬息慎氏又曰肅慎氏後曰挹婁

周屬朝鮮

戰國

屬燕

秦

屬高句驪隸遼東郡

漢

屬扶餘

晉

屬扶餘

魏

屬勿吉

隋

屬黑水

唐

屬燕州

遼

屬黃龍府隸東京

金

屬會寧州隸上京

元

屬開元 元設開元南京二萬戶府治黃龍府四年改

遼東路總管府至元二十二年改開元省金上京諸府州皆

明 屬三萬衛

洪武二十一年廢開元路改元為原二十二年

置三萬衛

清

屬開原縣

康熙三年廢三萬衛改置開原縣以其地屬

馬舊稱三台子係鑲白旗坐落祇佟張聶徐劉丁翟李八戶聚族而居置邊門後因名八戶門俗稱巴虎門法庫其轉音也或曰以法庫山而名也興地叢鈔作發庫門又載瀑布曰法庫平地曰甸子其命名之義未知孰是似以法庫山得名為近理光緒三十二年七月盛京將軍趙其奏以法庫邊門距開原縣一百二十里東北則通吉林正北則鄰蒙部人煙輻輳行旅絡繹轉瞬商埠一開華洋錯處交涉繁

難均須隨機立應原設知縣有鞭長莫及之虞應於該處添
設撫民同知一員劃開原及新民康平鐵嶺附近地方併歸
管轄而資治理是月劉委 奏調刑部主事劉鳴復試辦設
治事宜劃分疆界遂置為法庫廳治民國二年二月奉令改
名法庫縣